

Payí Juto eaŋinarini.

Payí rina áamá Jisasoyá siyikí imónigíáyí nání Juto eaŋinarini. Xewaniŋo nání áwanŋí siŋání miriniŋí eŋagi aí Jisasomi xogwáo Jutoyi riniŋo (Mako 6:3) “Ayí axoríani?” yaiwiarinŋwárini. Jisaso rixa aŋŋnami nipeyimáná xwiogwí aga obaxí nipwémáná eŋáná “Mimóní uréwapiyarigíáyí Jisasomi diŋí wikwíroarigíáyo xeŋwímíni wipemíoariniŋoi.” rinariŋagi Juto aríá niwiri ayí aríá niwiro nixídiróná sipí imóniprixiniri éí uremómíniri niriri eaŋinigini.

¹ Jutoni —Nioni Jisasi Kiraisomi xináínŋniŋí nimóniri omiŋí wiiriŋá wonirini. Jemisomi xexirímeáonirini. Nioni payí rina seyíné nání — Seyíné ápo Gorixo nioniyáyí imónífxixiniri wéyo íá seaumíriri diŋí sixí seayiri xewaxo Jisasi Kiraiso nání awí seameŋweairi seaŋiyínérini. Seyíné nání niriri payí rina eaariŋini. ² “Gorixo wá seawianiri niwayiróniro pírániŋí ŋweapíri nání seairi sewaniŋíyíné ení xixe diŋí sipí inipíri nání seairi neríná ayá wí seaíwiniŋini.” nimónariní.

“Jisaso tñni nawíni mimónigíáyí seyíné tñniyumí gwiaumí inariŋoi.” urinŋí nánirini.

³ Gí diŋí sixí seayinŋáyíné, Gorixo seyíné tñni nene tñni yeáyí neayimixemeaníá nání eŋípi nání payí wina neari seawárénapiyiminiri eŋá aiwi agwi nioni “Payí eŋí rirémixí re niseairi oeámíni,” nimónigoí, “Xwiyíá nene diŋí wikwíroariŋwápi —Api áamá maríái, Gorixo nawínáni neaiapiŋí eŋagi nání gíwí nímixiri miripaxípirini. Api áamá wí ikweakwímí raníro yariŋagía niwiniróná xe oépyoiniri siŋwí miwiniŋa éírixini. Eŋí neániro píri wiaíkianiro éírixini.’ Eŋí rirémixí e niseairi oeámíni.” nimóníagi eaariŋini. ⁴ Ayí ripi nání eŋí rirémixí e niseairi searariŋini. Jisasoyá siyikí imónigíáyíné maiwí ŋweaŋáná áamá wí —Ayí Gorixomi ríwí umoarigíáyírini. Eŋíná dání “Sía yoparíyi Gorixo xwiyíá umeáriníárini.” rináriŋíyírini. Ayí yumí seyíné tñni nawíni imóniro íwí niga oemeaneyiníro xwiyíá nepa re riniŋípi, “Pí pí íwí ámaéne yariŋwápi Gorixo anani ayá ninearimixiri yokwarimí neaiipaxíriní.” riniŋípi wigí diŋí tñni ikweakwímí riro “Jisasi Kiraisoni negí Áminá ínimi wuríniŋwáomani.” riro yariŋgía eŋagi nání eŋí rirémixí e seairiŋini.

⁵ Áminá Gorixo eŋíná dání maŋí píri wiaíkigíáyo píri numamóa biŋípi nání seyíné rixa xixeni niŋíá imóniŋagía aiwi ámi diŋí mopíri nání dirírí

ripi oseaimini. O negí Isireriyo Isipiyí aŋŋyo dáni éí numíniri nipemeámi nuri aí áamá xíomi diŋŋí miwikwíró “Xwíá Gorixo neaiapimíniri yariŋŋípi oyá diŋŋí tñni aí áamá e ŋweagíáyo nurápipaxenemani.” yaiwigíáyo áamá diŋŋí meañe dáni wanínimixiŋŋinigini. ⁶ Aŋŋnají wí eŋíná dáni eni Gorixo nurípearí xe érixiniri siŋwí winiŋŋípi náni re miyaiwí, “Apini neri niŋwearíná ayí nanŋŋrini.” miyaiwí niwiaíkiro íwí yaniro náni aŋŋnami píni niwiárími weapiŋíá eŋagi náni o gwí ainixí maríkinipaxí imóniŋŋíri tñni niŋiri síá áamá niyoni mí ómómiximí emíáyimi píri umamóimiginiri síá yináriŋe ŋwiráŋŋinigini. ⁷ Eŋíná áamá Sodomí ŋweáyí tñni Gomora ŋweáyí tñni aŋŋí apiaúmi axí e ikwíróniŋŋíyo ŋweagíáyí tñni eni axípi ayíniŋí piaxí weániŋpaxí imóniŋŋípi nero Gorixo áamá nimixiríná ayí api érixiniri wipimóniŋŋípi mé ikweakwímí nero wigí diŋŋí tñni íwí sipí imónáŋŋípi niga waríŋagía náni nene siŋwepigí neaiinía náni píri numamoríná ríá ápiáwí aníŋŋí íníná wearíŋŋípi nimamówárenapiri ayo ríá niniri pikiŋŋinigini.

⁸ Gorixo nene siŋwepigí e neaiŋŋí eŋagi aiwi ayí yagíápa áamá yumí seyíné tñni nawíni imónigíáyí axípi nero wigí sipí oriŋá winariŋíápi mimáyo nitiniriŋŋípi dáni íwí aga piaxí ayá wí weániŋŋípi iniro “Áamá womí ínimi wurínipaxí mineaimónarini.” riro aŋŋnami dāŋŋí seáyimi imónigíáyo riperiŋí umeró yariŋíáŋŋí. ⁹ E yariŋagía aí aŋŋnají Maikoroyí riniŋo —O aŋŋnají niyoni seáyí e wimóniŋŋorini. O eŋíná obo tñni Moseso piyomi go go meanirífeniŋŋoiniri xwiŋíá ximiximí niniri niriniríná o aŋŋnají seáyí e imóniŋŋí wo eŋagi aiwi ayá nepeárimáná “Niŋwaníŋŋoni eŋŋí eániŋáoni anani obomi xwiŋíá ríá tñŋí umeariŋpaxonirini.” miyaiwí “Gorixo xewaniŋŋoni mixí riríwinigini.” uriŋŋinigini. ¹⁰ Ayá nepeárimáná muriŋŋí eŋagi aí áamá yumí seyíné tñni nawíni imónigíáyí amipí wiwaniŋŋíyí majíá imónigíápi náni anani ikayíwí mearariŋíáŋŋí. E neri aí wigí niŋíá imónigíápi naŋwíyí —Ayí diŋŋí ríá xeyániŋŋíyíŋŋí. Naŋwíyí diŋŋí meŋwípepa neri niŋíá áamá imónariŋíápi maríái, xegí bí imónariŋíápa áamá ayí eni axípiŋi nero wigí niŋíá api imónariŋíáŋŋí. Apimi dánini wiwaniŋŋíyí xwiríá ikixenariŋíáŋŋí. ¹¹ Síá wíyí ayí majíá wóriníá eŋagi náni awe! Ayí eŋíná Keno “Nioni Gorixomi anani ínimi owurínimini.” miyaiwí neríná eŋípa axípi yariŋíáŋŋí. Eŋíná áamá Beramoyí riniŋo —O “Nígwí nioni bí minimúropa oeni.” yaiwiagorini. O “Áamá wí nígwí niapáná pí pí niriápi nioni wí mimúró nemíni.” niyaiwiríná xewaniŋŋo yapí néwapíniŋŋí yagípa ayí eni axípi oyaneyiniro náni sini mé igwíá urírinariŋíáŋŋí. Eŋíná áamá Koraoŋŋí riniŋoyáyí áamá Gorixo rípeaŋŋowami aríá miwí nero urakínaniro yariŋagía náni anínimixiŋŋípa ayí eni axípiŋiŋŋí e yariŋíáŋŋí. ¹² Áamá nioni searariŋíáyí píniŋŋí imónigíáyí maríái, sa ripini ripini imóniŋŋoi. Seyíné áamá giyí giyí siŋwí nineaniróná “Awí eániŋíáyí xixeni diŋŋí sipí inariŋíáyíŋŋí?” oneaiwípoŋŋiniri awí neániro aiwá naríná áamá ayí ipí akwíníánái riwoŋŋáná ewé sixí núrori

xwiríá ikixenariñípa áamá ayí axípi e nimóniro nání xwiríá seaikixepaxí imóniñoi. Ayí seyíné tñni nawíni aiwá niniróná Gorixo nání wáyí bi miwiní wiwaníñí nánini ñiñí nimóniro sa úrapí yariñagía nání searariñini. “Agwí api iniá eani nání irírarini.” yaiwiaríná iniá meapa nerí imiñí neríná agwí niriraimi waríñípa axípi e imónigíáyirini. Áamá ayí íkíá sogwí ná wearíñíná aí aníñí oxí roariñagi nání niyoari emi móáná urí biaú eñípi imóniñíyíñiñí imóniñoi. ¹³Rawirawá imeamíkwí neríná reakíkwí ñwiráraríñípa áamá ayí wigí piaxí weánipaxípi neróná axípi apíñiñí yariñíárini. Áamá ayí siñí añí píriyo nemeíná áamá ewéyo nimeámi núfásáná rawirawáyo áwinimi eñáná xejwími nipemeámi waríñípi yapi axípi niseairo yapi seaíwapiyarigíárini. Ayí aga síá yidoáríñípiimi aníñí íñíná ñweapíría nání Gorixo rixa wimixiyiñíyirini.

Jisaso tñni nawíni mimónigíáyo Gorixo píri umamoníá nánirini.

¹⁴⁻¹⁵Inoko —O Adamomi dání nemeága nuro wé wíumi ñáñí waú emeánigíó, ayí orini. O áamáyo wíá nurókiamoríná re riñinigini, “Aríá époyi. Oriñá niwiniríná winíñi. Ámináo áamá nñni wigí egíápi nání xixeni píri umamómíniri nání eri áamá xío wimónariñípi mixídarigíáyo wigí uyíñí egíápi nání xwiyíá umeárimíniri nání eri áamá íwí ayini miyarigíáyí xío nání áamáyo nuriróná sipíni urekárarigíápi nání xwiyíá umeárimíniri nání eri eni nání xegí añíñají ñiñí nimori íá miropaxí wí tñni weapariñagi winíñi.” riñinigini. ¹⁶Áamá nioni searariñáyí aníñúmí ikaxí rariñíyirini. “Omeaneyi.” niwimóniri wé eñí óí winariñípiñi nixídiro aiwi aníñí miní kíñiñí irinarigíáyirini. Wigí yoí wiwaníñíyí nání símí símí e tinimeariñíyirini. Áamáyá amipí íwí urápaneyiniro niremeá xwiyíá urepisiarigíáyirini.

Ñiñí síkíkí onírixiniri uriñí nánirini.

¹⁷⁻¹⁸Gí ñiñí sixí seayíñáyíñé, ayí e imóniñagía aí negí Áminá Jisasi Kiraisoyá wáí wurimeigíáwa xámi rigíá ripi nání ñiñí oirónaneyi, “Síá yopariyi tñíñá añwi e eñáná áamá wí re epíríárini. Seáyi e wimónigíáwami ikayíwí umeariro amipí Gorixo miwimónariñípi xídiñiri nání wé eñí óí ero epíríáyí imónipíríárini.” rigíápi nání ñiñí oirónaneyi. ¹⁹Áamá ayí Jisasoyá siyikí imónigíáyí nawíni mimóní xixegíni oimónípoyiniri urakiowáriro ñiñí ríá xeyáñiñiñiñí imóniro kwíyí Gorixoyápi mayí imóniro egíáyirini.

²⁰Gí ñiñí sixí seayíñáyíñé, áamá ayí e imóniñagía aí Jisasoyá siyikí imónigíáyíñé nepa imóniñípi ñiñí niwíkwíroróná síkíkí umixiniro eñí eáñiñí kwíyíyápiimi dání Gorixomi rixiñí urayiro ²¹o nene nání ñiñí sipí niwiri neaiñípi ñiñí sixí aníñí íñiro ñiñí niyimiñí Áminá Jisasi Kiraiso wá nene neaumixiñípiimi dání imónaníwápi gíni gíná nímeaníáríñiri weníñí nero ñwearo érixini. ²²Áamá xwiyíá Gorixo nání riniñípi

náni ududí niniro “Aga nepa imóniŋípirani? Yapí imóniŋípirani?”
 yaiwiarigiáyo seyíne ayá urimixiro ²³ámi wíniyo amiŋí wí ríá tíŋí e
 weŋáná apaxí mé meariŋwápa axípi éf umínaniro nání ero ámi wíniyo
 ayá nurimixiri aí seyíne rapirapí piyaŋí eaariŋípi tíŋí e nání wáyí nero
 aŋwi e mupa yarigiápa wigí íwí yarigiápi nání wáyí ero érixini.

Gorixomi seáyi e numeríná riŋí nánirini.

²⁴Agwi Gorixo seyíne íwí mepa érixiniri píri searaxipaxí imóniri
 ríwíyo seyíne xewaniŋo níkiniri ŋweaŋe roŋáná diŋí níá niseainiri
 xwiyíá mimeárinipaxí imónigiáyíne seaimixipaxí imóniri eŋo eŋagi
 nání ²⁵re searariŋini, “Gorixo ná woni oni negí Áminá Jisasi Kiraiso
 neaiŋípiimi dání yeáyí neayimixemeaŋo, xwíárí tíni aŋína tíni sini
 mimóniŋánárani, agwirani, ná ríwíyo ínínárani, níkiniri ŋweari aga
 seáyi émi imóniŋo imóniri eŋí eániŋí imóniri néní tígiáyo niyoni seáyi
 e wimóniri eŋo, ayí ná woni oni eŋagi nání seáyi e uméwanigini.”
 searariŋini. “E éwanigini.” nimónarini.